



Մ Ա Յ Ր Ա Թ Ո Ռ Ո Ւ Մ

Մայիսի 6-ին, կիրակի.—Աշխարհամատ-
րան (Կանաչ կիրակի).

Մայր տաճարում ա. պատարագ է մատու-
ցում և «Հայր մեր»-ից առաջ քարոզում տ.
Արսեն ծ. վրդ. Բերբերյանը՝ օրվա տոնի
հոգևոր և պատմական նշանակության մա-
սին:

*
* *

Մայիսի 11-ին, ուրբաթ.—Վեհափառ Հայ-
րապետի հրավերով ուխտավորաբար Մայր
Աթոռ է ժամանում Արևմտյան Եվրոպայի
հայրապետական պատվիրակ և Ֆրանսիա-
յի հայոց թեմի առաջնորդ տ. Սերովբե ար-
քեպ. Մանուկյանը:

Հանուն Հայոց Հայրապետի տ. Սերովբե
սրբազանին օղանավակայանում դիմավո-
րում են՝ Մայր տաճարի լուսարարապետ տ.
Հուսիկ եպս. Սանթրույանը, տ. Գրիգորիս
արք. Բունիաթյանը և տ. Տիրան արք. Կյու-
րելյանը:

Մայր տաճարում իր ուխտն ու աղոթքը
կատարելուց հետո, տ. Սերովբե սրբազանը
Վեհարանում ներկայանում է Հայոց Հայ-
րապետին՝ Նրա օրհնությունն ստանալու
համար:

*
* *

Մայիսի 13-ին, կիրակի.—Կարմիր կիրա-
կի.

Մայր տաճարում ա. պատարագ է մատու-
ցում տ. Մասիս արք. Գալստյանը: «Հայր
մեր»-ից առաջ քարոզում է տ. Գրիգորիս
արք. Բունիաթյանը:

Ա. պատարագին ներկա է լինում Վեհա-
փառ Հայրապետը:

*
* *

Մայիսի 20-ին, կիրակի.—Տօն Երեման ա.
խաչի.

Մայր տաճարում ա. պատարագ է մատու-
ցում տ. Աղան վրդ. Բալետգյանը: Ա. պա-
տարագի ավարտին քարոզում է տ. Հուսիկ

եպս. Սանթրույանը՝ օրվա տոնի պատմա-
կան և հոգևոր իմաստի մասին, ընդհանուր
եկեղեցու կյանքում, որպես քրիստոնեու-
թյան հաղթանակը հեթանոսության դեմ:

Այնուհետև Վեհափառ Հայրապետի նա-
խագահությամբ կատարվում է հոգեհան-
գրատյան պաշտոն տ. Մաշտոց եպս. Թա-
ջիրյանի և պրոֆ Հակոբ Սիրունու մանվան
քառասունքի ատթիվ:

*
* *

Մայիսի 24-ին, հինգշաբթի.—Հրամեշտ
առնելով Մայր Աթոռից և Վեհափառ Հայ-
րապետից, այսօր իր պաշտոնատեղին է
մեկնում տ. Սերովբե արքեպ. Մանուկյանը:
Գերաշնորհ սրբազանին ճանապարհում
են տ. Հուսիկ եպս. Սանթրույանը, տ. Աղան
վրդ. Բալետգյանը և տ. Նշան քնն. Բեյլեր-
յանը:

*
* *

Մայիսի 27-ին, կիրակի.—Մայր տաճարում
ա. պատարագ է մատուցում տ. Հակոբ քնն.
Հակոբյանը:

Ա. պատարագի ավարտին, Վեհափառ
Հայրապետի նախագահությամբ, կատար-
վում է հոգեհանգստյան պաշտոն՝ ի հիշա-
տակ Մուսա լեռան հերոսամարտի նահա-
տակների:

*
* *

Մայիսի 28-ին, երկուշաբթի.—Այսօր հո-
գեվոր ճեմարանում սկսվում են 1972—1973
ուսումնական տարվա ամսվերջի քննու-
թյունները:

Ճեմարանի հանդիսասրահում առավոտ-
յան ժամը 10-ին տ. Հուսիկ եպս. Սանթրու-
յանի նախագահությամբ կատարված ա-
ղոթքի մասնավոր հանդիսությունից հետո,
հնչում է զանգը, և ճեմարանի հարկի տակ
սկսվում են բանավոր և գրավոր ամսվերջի
քննությունները, որոնք կսկսեն մինչև հունի-
սի 9-ը: